

ایسترایسه که بو اییدر . فقط سوسیالیستلرک فکری ، غایه لری بودکادر سوسیالیستلرایستلرکه قومونیزم افکاری بتون بر ماته تطبیق اولسون و ذاتا کندیلری کمال موفقیتله تطبیق اولنه بیلور اعتقادنده درلر و کتله عمومی دن آیریلوبده قومونیزم افکارینی یالکیز آرالنده موقع اجرایه قویمی نیتده بولنالرک قطعاً علمینده در .

ایشته محترم قارلرم غزته مزک حجتی اساساً پک کوچک اولدیغندن و امیل فاکه نك اوچویزی متجاوز صحیفه لک اثرینی بر مقاله جنک حوصله نئکنه صیغیرهمیه جعمندن کله جنک نسخه ده کوروشمک اوزره شمذیک اورده و وار .

ایوانسرای — ۱۴ اغستوس ۲۲۶ مکتب حقوق اوچنجی صنف طلبه سندن

یا قو شائول

حقایق اجتماعی ، یرو انسان مابعد

— مابعد —

بوکا شبه یوقدرکه قزانیلان ثروتک حق وعدالته موافق اولوب اولمامه سی موجود اولان قوانین و نظاماته تابع بر کیفیتدر . مثلاً برکون برحاکم کندی کینجه بر قانون وضع ایدرکه مملکتده کیمسه نك توتون و تنباکو تجارتی ایتکه حق یوقدر : توتون تجارتی انحصار تحتنده در . اورته به بر «رزی» قومانیه سی چیقار . بو انحصار سایه سنده کیتلی ثروت قزانیر . شمذی هیچ برسوسیالیست بو «رزی» یه دیمزکه «ای رزی کل سنک قزانیدنک ثرونی پایلاشم» لکن سوسیالیستلرک و علی العموم جماعتک حتی وار که حکومتدن بویله غیر عادلانه قانونلرک لغونی طاب ایتسونلر .

بوکون جهانی قابلایان سوسیالیزمه ولوله سی قوانین و نظامات حقنده در . یوقسه کیمسه نك بوکونه قدر قزانمش اولدینی مال و ثروت حقنده دکادر .

باقالم سوسیالیستلرک یر و طوپراق حقنده کی افکار و نظریاتلری نهدن عبارتدر : « جماعتک احتیاج کوستروب استهلاک ایده جکی موادی مجتمعا حاصل ایتک کی بر اساس مادییه مستند اصول اجتماعه (سوسیالیزمه) دیرلر .» سوسیالیزمه معیشتک اساسی ابکی عنصردن عبارتدر که بری افرادک اتفاق و اتحادندن تشکل ایدن جمعت یا جماعت ، دیکری ده «اكتساب اجتماعی ثروت» در . جماعتک اکتساب اجتماعی ثروته اولان نسبتی حیاتک غدایه ، مقصدک واسطه به اولان نسبتی کبی در . عیبا اکتساب اجتماعی ثروتک اساسی نهدر ؛ اقونومی پولیتک یعنی علم اقتصاده کوره اکتساب اجتماعی ثروتک اساسی مساعیدر . یعنی امک و زحمتدر . آنجق احتیاجات بشریه بی واقع اولان حاصلات و معمولات مادییه دسترس اولمچون مساعی یعنی سی و زحمت ، و سائط مادییه یعنی آلات و ادوات استحصالیه به محتاج بولنیور .

ایشته بو سائط مادییه نك باشلیجه سی یر و طوپراق اولوب فابریقا ماشینلری کبی آلات و ادوات ایسه ایکینجی درجه ده کلیر . سوسیالیست قاعده سنجه اولان اکتساب اجتماعی ثروته مذکور سائط و آلات استحصالیه ، عموم جمعیتک کندی مالی اولمق شرطدر . حالوکه سائط اکتسابیه به مالکیت نقطه نظرندن بوکونکی جمعیت بشریه مختلف صنفره تقسیم اولمشدر : (مابعدی وار)

حریت : مدیرمسئول حسین حلمی

صاحب امتیاز و مدیرمسئول

سرپرست ازبیر فرستاسی صاحبی

حسین حلمی

Directeur Husséin Hilmi

محرری نامق

مع پوسته سنه لکی ۴۰ غروش

« آلتی آیبانی ۲۵ »

مکاتیب و اوراق وارده نوبر عثمانیه ده

حریت مطبعه سنده دائره مخصوصه به

کوندرملیدر .

مالک اجنبیه ایچون سنه لکی ۱۲

و آلتی ایلانی ۸ فرانقدر

# اشتراک

مقام نوع بشر در وطنم روی زمین

زنکینک چوق بدیکی یرده فقیر آچلقدن اولور

سوسیالیزم افکاری نك سر و جیدر

Journal socialiste ICHTIRAK

عثمانلی سوسیالیست فرقه سی

بیاننامه سیدر

اغنیانک ثروتک قرقده بری

فقرانک حقیقدر .

فرمان الهی

— بی آدم اعضای یکدیگرند —

سعدی

انسانلر ، شیمدیکی کبی مختلف و مقضاد

فکرلرده یکدیگرندن پک فرقلی ، طبیعتلرده

یارادلامشیلردر . دائما یا کلاشیلان

وسو استعمال اولته اولته حال حاضرده کی

شکل ضروری متباینی تولیدایدن و انکلیر مؤلفی

بوپوک (هوبه) ک فکرنجه مع التأسف

دوغری اولدینی حالده رجوعی محال اولان

اجتماعیت حاضره بشریه اوقدر بر باد ، اوقدر

منفسخدر که حیاتی شو کره اوزرنده کچه جنک

اوج بچق کونمزی قابل تحمل بر حاله قویمق

ایچین چوق تدابیر احداثه احتیاجز ، قطعی

مبرم احتیاجز واردر . مطلقا صوکرادن ایجاد

ایدیلان حق کبی ، حریت کبی ، وظیفه کبی

«سوسیالیزم» دینیلن و بشریتی ممکن اولدینی

قدر سعادتیه ، رفاهیتیه ایصال بوللرینی دوشونن

مسلك ده او تدابير لازم دن بریدر که مقصد ایی  
باشماق ایچین ایجاب ایدن تدابیری بر شکل  
معین و معقوله صوفق واجتماعیت حاضرینی  
بر شکل سعادت آورده افراغ ایتمکدر .

سوسیالیزم ملکمزده برسوء تفهم نتیجه سی  
اوله رق پک فسا ، پک یا کاش و کلیاً مدلوله  
ضد بر صورتده آکلاشلمشدر . طالبوکه :  
سوسیالیزم کوندن کونه ده فجعید ده مشکل  
بر حاله کلن جمعیتک آج وسفیل اولادلرینک  
رفاهیتنی دوشونور .

سوسیالیزم مطلقاً عدالته مغایر اولان حال  
حاضر اقتصادی نی تصحیح ایتک ایستر .

سوسیالیزم سرمایه نك محدود و همه حال  
مستبد کیمسولر النده بولومسینه اعتراض ایله  
هر کسه حقی قدر ، قاعده سنی وضع ایدر .

نیچون ملیونلرجه آدملر بر قاچ کشینک اسپری  
اولسون . بر طرفدن ملیونلرک تأمین ایتدیکی  
اذواق کونا کونک سیننه حظوظنده تنباجه  
ذوق و صفایه دالان سرمایه دارانی، او بر طرفده

اونلرک امر وارزوسنه تابع بیکلرجه آج وسفیل،  
حسته لقلی عمله نی دوشونه لم... وجدان مفروضی  
قارارتان لاینقطع ادعا اولنان و جمعیتی بالای  
سعادتیه ایصال ایده چکی ظن اولنان اختلاته

چیقماز لکلر ، کیرلر سورن بولوچه سوسیا -  
لیزمک هدف تعریضی، اصابتکاه تیغ تنقیدیدر .  
تمدن اولدینی قدر عدل و حقانیتده

یا قلاشماق ایسته یین هر ملت ملکنده متعدد  
سوسیالیست فرقه لری تشکیل ایتمش، عمله سنک  
حقی و راحتنی تأمیننه چالیشمقده بولونیور .

بومقصد و مسالکک، باخصوص آیات و احادیث  
ایله تأکید تشریح ایدیلن بو فقرا پرورینک  
دینادخی تطبیقی ایجاب ایدرکن، شمدی به قدر  
ترکیاده منسی دنیله چک بر حالده بر اقلیمی  
اصلا تجویز ایدیله مز .

ایشته بومسلك مینک ملکمزده ده اعلا  
وترویجی ایچین بر عثمانلی سوسیالیست فرقه سی  
تشکل ایتمشدر .

عثمانلی سوسیالیست فرقه سی مملکت مزده  
عناصر مختلفه آره سنده اتحاد، اخوت، مساوات  
اساسلرینه حاد و یگانه اسباب تفرقه اولان  
منافرات و سوء تفهومات قومیه نك ازاله سنه ساعی در

مقاصد اساسیه سندن برنجیسی رسمی پروغرا -  
منده بیان اولدینی اوزره اکثریت عظیمه نی  
تشکیل ایدن فقرای اهالی و عمله صنوفنک محافظه  
حقوق و ترفیه حیاتی، ایکنجیسی ایسه یینه عین

مقصدک ده از یاده تسهیل حصولی ایچین تکمیل  
یر یوزنده کی ایشجیلرله تشریک مساعی  
وتوحید حرکتلریدر .

وطن و انسانیت مشترک نك سلامت و سعادتنی  
اکثریت عظیمه نی تشکیل ایدن فقرا صنوفنک  
ترقیه و اعاشه سیله — یعنی بحران حاضر اقتصادی نك  
وبالتیجه سفالت عمومیه نك ازاله سیله — قائم

اولدیندن فرقه نك اولان نظر دفته آلدینی مسئله  
عمله و فقرانک ترفیه و تأمین معیشتنی قضیه سی  
اوله چقدر .

عمله نك تأمین رفاهیتی و تسهیل معیشتنی  
اعمال اتخانه لر مزک تکثیرینه و هر درلو وسائط  
مخابره نك اکیانه و عمله صنفلری پیننده معاونت

جنسیله بر اشهرک بو آمال ائتلاف و سعادت تجویزانه نك  
قبولنی تکلیف ایدر .

### عثمانلی سوسیالیست فرقه سی پروغرا میدر

حیات اجتماعیه اک مغدور بر قسم تشکیل  
ایدن عمله نك و بونلردن پک کری قالمیان عوامک  
حقوق حیاتیه و سیاسیه سی تأمین ایدلمک و شو  
آهنک عمومی ترقی ده کنیدلرینه بر شراه صلاح  
ورفاه استحضار ایلک اوزره فرقه بونک ایچون  
آئیده کی پروغرا می تنظیم ایلشدر .

ماده

- ۱ هر درلو اتخاباتک بلا واسطه و رأی عام  
اصولیه اجراسی
- ۲ مطبوعات و اجتماعات عمومیه به حریت کامله  
ویرلمسی
- ۳ اعدام جزاسنک رفی
- ۴ انسانلرک احتیاجات طبیعییه سندن اولان  
موادن النان ویرکولرک لغوی
- ۵ رسم مترقینک قبولی
- ۶ شمند و فرلر ، بانقلر ، معدنلر سیغورطه  
قومانیه لرینک میلشدر لمسی ایله هر درلو  
انحصارک رفی
- ۷ بر عثمانلینک ترکیه نك هر طرفنده انتخاب  
حقی اولمی
- ۸ توسیع مآذونینک قبولی

مقابله صدقلری تأسیسنه وابسته بولندیندن  
فرقه نك هر درلو تشکیلات علمیه و اقتصادیه  
ایله اشتغال ایتسی و بواشتغالانک بحق اقتطاف  
ثمراتی صلح و مساوات عمومیه به متوقف اولدیندن  
حکومتجه لزوم ضروری کورولمکجه محافظه  
سکونت طرفداری بولنسی طبیعی و الزم در .

زنیکینک ، بیکلرجه ملیونلرجه ایراصاجلرینک  
— که بونلر ثروتلرینک نصفنی بیله و بر سه لر  
دوچار ضرورت اولملری احتمالی یوقدر —  
کونده قازانه جتی بش اوزر غروشه مفتقر و محتاج

اولان عمله ایله عین نسبت دائره سنده ویرکی  
ویرملری هیچ بر زمان عدل و حقانیتیه موافق  
اولدینی کی جمعیتک احوال اجتماعیه سنه بویوک  
ضربه لر دخی اوردیندن تکالیف نسبییه نك

الغاسیله یرینه تکلیف مترقینک وضعی قادر  
طبیعی و عادل بر معامله اوله میه جفندن فرقه نك  
رسم مترقی طرفداری بولنسی بدیدر .

ذکر اولنان بوتون بواساسلرک کافل محام  
فظه سی اولان سربستی مطبوعات و تدریسات  
وسیاحات و اجتماعات اساسلرینک آیر بجه  
مدافعه سنه لزوم کوروله مز . بونلر بوتون اولاد  
بشر ایچین اک مقدس بیلنن وظیفه لر دندر .

بناءً عایه بویوک بر حسن نیتک نتیجه سی  
اولان وملتنی تشکیل ایدن اکثریت عظیمه فقرا  
و عمله نی مدافعه و حمایت مقصد خیر پروریه بوتون  
دول متمدنه و مشروطه ده اولدینی کی مملکت مز -

ده ده تشکیل و تأسیسنه غیرت ایدیلن سوسیالیست  
فرقه سی بوتون ملت مبعجله عثمانیه به تکمیل ابنا ی

ماده

- ۹ وقت حضرتده قوه عسکریه نك میلسلردن تشکیلی
- ۱۰ تجاوزی بالعموم محاربه لردن مجانبت اولمسی
- ۱۱ نقطه نظری محافظه صاحب سکون اولمیان بالعموم اتفاقله اشترک ایدامسی
- ۱۲ مجاس مبعوثانه اعضا انتخابی ایچون فکری مجادلات سیاسیبه کیریشلمه سی
- ۱۳ سوسیالیستلکک ترقیسنه خادم بالعموم فائده لی نمایشلره اشترک ایدلمسی
- ۱۴ عمله نك حقوق صریحه سی پامال ایدرجه سنه ترتیب ایدیلان غرضه و وصندیقہ قانونلرینک رفع والغاسی
- ۱۵ تعلم و تدریسک هر صنف اجتماعی ایچون مجاناً اولمسی
- ۱۶ بالجمله مصارفات عدلیه نك رفعی
- ۱۷ بالعموم عمله نك هفته ده برکون استراحت ایتمسی
- ۱۸ اوقات مساعینک کونده سکیز ساعته حصر ایدلمسی
- ۱۹ اون درت یاشنده اوفق ارکک و اون اتی یاشنده کوچک قیزلرک عمله لکدن منعی
- ۲۰ بر عمله نظارتی تشکیلی
- ۲۱ داخلی و خارجی بالعموم سوسیالیست قونغرله رینه اشترک ایدلمسی
- ۲۲ بتون عمله صندیقہ لرینه معنا و ماده معاونت ایدلمسی

### ناصل چاشملی یز ؟

سوسیالیست وصفیله اورته یه آیلان مجاهدلری طایمام . انتسابیله مفتخر اولدیغیم بو مسلک اجتماعیک حقایق و نظریات درجه و قوفلرینی ده بیلمم . باب اجتهادلرینی نه جهته دوغروب کشاد ایتدیلمز ؛ ناصل ، ونه یولده چالیشه جقلمز ، طوغرودن طوغرویه صنف ساعینک حقوق مغصوبه سنی ، صنف ممتاز و سرمایه دارلرک اعتسافاته قارشلی بر لسان آتش فشانله مدافه سی ایده ج کلر ؟ . یوقسه ابره مساعلرینی محدود بر دائره داخلنده طولاشدیردرق « سوسیالیزم » ترکیاده دخی بر موجودیت ، بر عضویت و یرمه که می غیرت ایدجکلر ؟ بتون بونلر طبیعی ایلریده کوره جگمز آنا روئمراتله معلومنز اوله جقدر . و فقط اثرلرینی مطالعه ایتدیلمک آنجق مسلکدش صفتیله بو بیلده دیکم کوروشمدیکم ارقداشلره عرض ایتمک ایستیم که افکا عادلانه مزک نشر تعمیمنده غایت ( سیستماتیک ) منتظم بر خط حرکت آله مزهم فلسفه اشتراکیه مزهمده محیطمزک شرائطی مقتضاسیدر .

مسلکمز ، علوی و مقدس اولدیغی قدر بیوک ومدهدشدر ؛ بتون جمعیت بشریه نك انقلابی مقصدینه مبتنی اولدیغندن اقسام فیه سنه واقف اولمایان جهلا ، بعض معلوماتفروش کیمسه لرک ، یاخود حقیقت دشمنی منفعه تر تارک بالان یا کاش تفهیماته قابلدقلمز ایچون یا لکنز

« سوسیالیزم » له سی ایشیتمک ن تدش ایدیورلر .

برده او کیمسه لر ، یا لکنز مشروطیت عثمانیه بی میدانه کترین فرقه محترمه بی طانیدقلمز . بدن او فرقه نك پروغرامندن خارج ، طاقم فکمرلر بسله دیکمزی کوره رک عادتا مشروطیت علیهدارلنی ارتجاع طرفدارلیله اتهام ایدنلرده یوق دکلمز ؛ هم بونلرک بویله دوشونمکه حقلری وار . زیرا کدیلمزنده دکلم « سوسیالیزم کبی مدنیت حاضره نك ا ک ترقی فلسفه اجتماعیه بی فکرفنی و یاسی نامنه ال عادی بر شی ادراک ایتمک قابیلیتی بسبتون مفقود . . . محیطمز ده کی عوام ناسه بو کون او قویوب یازمه نك فائده سی افهام ایده بیلیرسه ک فنعم الخدمه ؛ عوامک عمله قسمی واقعا ارشاداتمزه محتاجدر . فقط هیچ بر زمان اونوتمامالی یز که ایشجیلر حقوق صریح لری نك حین مدافعه لرنده معلوماتلی ذکی ، فعال ، متشبث تجربه دیده مجاهدلرک معاوتنه دها زیاده عرض احتیاج ایدر و بومقتدر وطن پیشدارلری سرکرده لری میدانه کتیرمه نیجه عمله اردوسنه هر نه صورتله اولورسه اولسون حرکت امری و یرمک عفو اولنه ماز بر خطا اولور ؛ ظلمه ، غدره دیکتد . تورلیکه قارشلی قلوب عمله ده بر حس اختلال ، بر حس مقاومت او یاندیرمق قدر عدالتلی ، محق بر شی تصور ایدیله مز ؛ اوت ، فقط بو خصوصده بر ( مه تود ) اصول ، موفقیت سائق بر ( پره نسیب ) بر قاعده تعقیب ایتمک ده شرط اعظمدر . مسلکمزک احتوا ایتدیکی

حقایق عالیه بی هنوز هضم ایتمک قابلیت واستعدادینه مع التأسف مالک اولمایانلره آمال وافکا . یزلی تلقینه اوغراشمایلم زیرا بوندن منفعت یرینه مضرت حاصل اولور ؛ ایشه بونک ایچون ا ک اول ملتک دماغی اولان متفکر کنجلر یزدن صنف منور ملت اولان مکتبیلر مزدن سوسیالیزم هوای نسیمسیله مالی بر محیط فنی و فلسفی وجوده کتیرمه که غیرت ایدلم . المزدن کلدیکی قدر ( بورژوا ) نظریاتی انخافه دعوت ایده جک قواعد اساسیه اجتماعیه و یا اقتصادیه مزلی متبادلاً نشر ایله جمله مقالاتمزک حقوقی اجتماعی و یا سیاسی برر محصول تتبع اولمسی جهته حصر مساعی ایدلم . حتی ( قارل مارقس ، لاسال ، لا فارغ ، به بل ، زوره س ) کبی اکابر یزک آثار بر کزیدلرینی ترجمه یه ترجمه ایتمک اوزره مقتدر و فرانسزجه به وانف آرقداشلر یزدن بر هیئت مترجمه تشکیلی مسئله سی نیجه پرو یاغاندا مزک اساری و صالح الام او نه سی ایچون ا ک بر نیجی بر احتیاج صورتنده نظاهر ایدر . چونکه ترکیا مزده سوسیالیزمک آنجق اسمی وارددر . برده زونیکنک مانی فقرایه و یرمک دبه یا کاش بر تلقی . . . فندن اخلاقدن تشکیلات اجتماعیه دن تکونات فلکیه دن حادثات تاریخیه دن ، حسابات ریاضیه دن ، قوانین طبیعه دن حصه سی نه دن عبارت اولدیغی عموماً مجهول ؛ ( پارتمیزک ) فرقه مزک روحی تشکیلی ایده جک بونمای فن و فلسفه بی اول باول میدانه کتیرمک صورکه او آفتاب آسامر کزندن قاب عوامه اشعه عدل و حقانیت ایصال ایتمک لازم کلیر . . . نشر یا تمزده اصلا علم و منطق دائره سندن حقیق ماق همفکر کزندن اولمایانلره قارشلی بر لسان

تحکم و تهدید استعمال ایتهمک علی الخصوص استحصاله چالشیدیغمز موفقیتک اقتضا ایتدیکی احوالندرد. بوقاعدهدن خارج اوله رق انتشار ایددجک شیلر مسلکمزى آکلامقسزین صرف حب نفسلرینه وورولان ضربه لرله بر طاقم کیمسه لرك علیهدارلریمز کسلمکه و منافع عمله اوغورنده صرف ایتک ایسته یه. جکمز اقدامات واهتماماتمزى هیچ اولمازسه بر مدت موقته ایچون عقیم براقعه سبب اولور. بر طاقم کنج لر واردرکه، مغدورین جمعیه بیوایه لر قارشى حس ایتدکاری مرختدن دولایى « بز سوسیالستز ۱ » دیرلر. فقط کندیلرینه مجادله صنوفدن، ملکیت اشتراکیده، سرمایه ده کی شکل حاضرینک لغوندن، قانون اجرت ایله نتایج مؤلمه سندن... بحث اولننجه «ها، بز اوپله سوسیالستلکی قبول ایتیه ز» دییه رکه اولکی ادعایرینک حسیات صدقه دن قوری بر لافدن باشقه بر شی اولمادیغنی اقرار ایدرلر...

صفحات حیاتیه نك جمله سته شمولی اولان بیوک، واسع مذهبزك اسمنی ایشیدیر ایشیتمز یالکمز محاکمه ذه نیه لر یله ماهیتنی کلامق ادعاسنده بولنانلرک اکثریا کتاب عالیه مداومین و مأذو- نیندن ذکی و معلوماتلی افندیلر اولدینی دوشو- نیلیرسه اجتهاد مزده افعال وحرکات مزده تقدر احتیاط کار اولمه مز لازم اولدینی سهولته کلاشیلیر. « سوسیالیزم نه در؟ دییه سؤال ایدنلرله بر قاج جمله ویا بر مصاحبه ایله جواب ویرمکدن احتراز ایتلی بز! ویدیلی بزکه، « سوسیالیزم » اولا؛ بر علمدر. زیرا مطالعه سایه سنده اله ایدیلر بیایر،

بر مسلك اجتماعیدر، منتسبلرینك آراسنده یشامق، هر کون فکر لرندن، طرز حیاتلرندن برنیده استفاده ایتمکه آکلاشیلر بیلیر. انسانى مصا- حبه ده ویا بر قونفرانسه صورت عمومیه ده « سوسیالیزم » دن بحث ایتمک ینه فائده دن خالیدر. یا خود صرف ایدیلن غیرت حاصل اوله جنی ثمره ایله متناسب اولماز. بناءً علیه « پروپاگاندا » انساننده سوسیالیزمک آنجق بر نقطه سنی بتون دلائل مقنعه و قطعیه سی ایله موضوع بحث ایدرک اونقطه ده مخاطبلریمزى اقتاعه چالشمالی بز؟!...

الیانس مکتبی مدیری  
اسرائیل

تشکیل ایدر. بومصارفات زائده دها طوغریبی مضره دن دواتلر او درجه شکایتکار درلر که اخیراً بر جوق حکومتلر متحدید تسلیحاتک بین الدول قبولی ایچون سوک درجه ابراز غیرت ایتمکده درلر مصارفات عسکریه نك نه درجه لرده مهم بر بکون طوئدیغنی ایجه آکلامق ایچون بر دولتی مثلاً آلمانیا ایمراطور لغنی نظر اعتباره آله لم.

آلمانیا نك قوه عسکریه سی صلح وقتنده یعنی وقت حضریده ۶۰۶۰۰۰ نفرات بریه ۳۳۵۲۰ نفرات بحریه دن یعنی جمعاً بکون ۶۳۹۵۲۰ نفر دن متشکلدر. بهر نفرک سنوی مصارفی (۵۰) لیرا فرض ایداسه، مصارفات عسکریه سنویه ۳۱۹۷۶۰۰۰ لیرا ایدر که وقت سفری ده، آلمانیا اردو سنك ۴۳۵۰۰۰۰۰ موجودلی اولسنه نظراً بو مصارف ده ۲۱۷۵۰۰۰۰۰ لیرا درجه سنی بولور.

حالبو که بو مبلغه بری و بحری مانوره لرك سوقیات و مهمات عسکریه نك مصارفاتى داخل دکدر.

شمدی بو قدر عسکر بوشی بوشنه انسانلرک همجنس لرینی تهدیدلری یولنده بسلمنه چکنه سربست براقسه و هر فرد سنوی ۴ لیرا اقزانسه ثروت عمومیه ۱۷۴۰۰۰۰۰۰ لیرا راده سنده آرتار و مصارفات عسکریه یه تخصیص ایدیلان مبلغ مهمده استراحت بشریه نك تأمین یولنده صرف ایدیلیر، انسانلر ده او وقت تام انسانچه سنه همده بک راحت بر صورتده یشامغه باشلارلر محاربه نك درجه مضرتی بر درجه یه قدر

دنیا دن محاربه قالدیلیر و دول موجوده بر دولت حالته کیره بیلیرمی؟

کچن نسخه مزدن مابعد

بر دولت ایچون نه قدر موجب شین و عاردر که اولجه دو کدیکی قانلرله افتخار ایتسین، او دولت بیلملی در که ماضی ده دو کدیکی قانلرله افتخار ایتک دکل بالعکس آغلامیلیر، چونکه قان دو کسکله بلکه انسانیته بک بیوک خدمت لرایده. بیلمسی ملحوظ بولنان آدم لرك محو اولمیرینه سبب اولمش؛ وطنک اعمارینه صرف ایدیلر جک پارلرله آدم اولدیره جک، شهرلر حراب ایدر جک معمور مملکتلر باظیره جق، صنایعی، تجارتی زراعتی سسکته دار ایدر جک واسطه لر احضار ایلشدر.

محاربه نك حاصل ایدیلکی فنا لقلر او درجه کثیردر که تعداد ایتمکه بتیریلر مز. محارب دولتلردن غالب کله نك بیله بر جوق شهرلری قصه به لری، سفائن حربیه سی محو اولمش، یوز بیکلرجه افرادی تلف ایدلش، ملیونلرجه آلتونی ضایع اولمش بولنور که بو ضایعات عظیمه نك تلافیسی سنه لرجه حتی بعضاً عصرلرجه قابل اوله ماز.

محاربه لرك اجرا ایدلمدیکی زمانلرده یعنی وقت حضریده بیله اردولرک دونمالرک باعث اولدینی مصارف بو دجه لرده مهم مهم بکونلر